



Qilamik Takuyauyakhag

## **Veronique Nirlungayuk aittuqtauyuk 2012 Nunavut Pinnguarnirmut kipin'nguiyautit Aittuutimik**

**IQALUIT, Nunavut (Qiqailruq 26, 2013)** – Kamisina Nunavunmut, Edna Elias, aittuutigin'ngaqtua Pinnguarnirmut Kipin'nguiyautit Aittuutimik Kangiqhinirmiutaq Pinnguaqti Veronique Nirlungayuk.

Veronique Nirlungayuk titirauyaliqtuq nutaraubluni taimanilu qilaudjaqtiliqtaa paapagaluangata, Bernard Iqqugaqtuq. Akimavaktuq titirauyaminut qilaudjuhirminullu.

“Hivuani, Havagvia Kamisinap aittuqtautinnani Kipin'nguiyautit Aittuutit. Uumani ukiumi, aallangurumagapku aittuutikhaqnikpingnaqtuungmat Inuit pitquhiininhadjalu amigaiqpalliangmata pinnguaqti inuulrammiit taututittumayatka pinnguarnirmut kipinnguiyautit, uqaqtuq Kamisina Elias. “Veronique Nirlungayuk angiyumik tunihiyuq kipinnguiyarnirmut, qilaudjautaiubluni, titirauyaqtiubluni, inuuyaliuqtiubluni titiraqtiublunilu. Quviahuktunga aittulirapku uuminnga aittuunmik uumunga ayunngitumut Inuk Pinnguaqtimut.”

Nukaqhiuyuq saivanit paniinnit, Veronique Nirlungayuk hadja qilaudjarnirmik ayuiqhailiqtuq nutaqqaminut in'nguttaminullu arnaruhinut, taimaa pitquhiit nukahinut tuniyauliqtuq taimaa tuniyauhimavakhimangmat amigaittuni ukiuni taimani atuqtauyaangata.

Manikhaqhunilu taktaa \$10,000.00, Veronique Nirlungayuk tuniyauniaqturlu naunaitkutamik Kamisinap havirallaanganiglu.

###

### **Tuhaapkaiyi uqarvigilugu:**

Elizabeth Roberts  
Ikayutia Aulapkaiyimumut Ikayuqti Kamisina Nunavunmi  
Hivayaut: 867-975-5120  
qaritauyakkut: [eroberts@gov.nu.ca](mailto:eroberts@gov.nu.ca)